

治河全書

治河全書

卷之十九

章奏

修高堰石工

請帑造船

撥發錢糧

不必海運

治河條例

堵開六壩

履仲莊出口

盧口堤岸

兵部尚書兼都察院右都御史總督河道提督軍務臣張鵬翔謹
題為欽奉

上諭事案准工部咨開本部等衙門會議河道總督張鵬翔疏
稱武家墩至小黃莊一帶臨湖舊有石工僅出水面二三
尺不等必須加砌與小黃莊見砌石工一律齊高正在確
估工料興修應如所奏令其加砌一面興工一面將需用
銀兩確估具題可也等因奉

旨依議速行欽此欽遵抄出到部移咨到臣准此當即撒行准
揚道叅議王謙禮部員外郎蔣陳錫刑部員外郎丁易一

體欽遵去後今據該道等造冊估計等因到臣據此該臣
看得武家墩起至小黃莊止一帶臨湖舊有石工僅出水
面二三尺不等臣

奏明加砌與小黃莊見修石工一律齊高行據淮揚道叅議
王謙等詳稱舊石工椿朽石歇勢必另行拆砌方可堅固
經久今於舊殘石工之上疊築壓土以為趙壩於內建砌
可以節帑速工創砌石工共長五千五百二十六丈四尺
連鑲柴趙壩等項估用工料銀六十八萬六千二百四十
八兩八錢二釐八絲既據該道覈實造冊估計前來臣覆

確數無異隨委承修官原任知府傅澤洪候補主事程光彪候補同知姚震高堰通判朱廷植原任守備却溢高堰守備夏景松等領幫辦料興修委原任按察使趙世顯監工督催除原冊送部查覈外相應具疏

題估查此工共估銀六十八萬六千二百四十八兩零內除於撥發錢糧等事案內撥過銀五十萬兩外尚有不足銀一十八萬六千二百四十八兩零相應請

勅該部速行撥給以濟工用再查前河臣交代案內共存庫銀四十五萬四千八百七兩零內除歲修銀七千四百三十

餘兩又運司羨餘銀六萬四千三百九十餘兩以為歲修
兵餉支用又謹陳河工幫築等事案內銀十五萬六千五
百五兩零乃係加幫山安黃河兩岍堤工之項其餘存庫
大工銀二十七萬六千四百七十餘兩給發鳳凰橋芒稻
河人字河高郵護城堤堵塞夏家橋等處六壩修建唐埂
等三滾壩挑挖大通口堵塞邵伯更樓兩壩馬家港時家
馬頭挑濬新河等工尚不敷用容臣按工估計分案
題請撥發合併聲明又原任通判靳治齊於會勘案內領過
估修高堰倒卸石工銀四萬七千四百八十五兩零年久

並不修工今已丁憂回旗前於估計滾壩案內

題請

勅部押解來工將料物運至工所清算在案俟新治齊押到一併清查如有短少照數追賠叅處相應一併

題明伏乞

皇上睿鑒勅部議覆施行等因於康熙三十九年十月二十一日准工部咨開前事都水清吏司案呈工科抄出河道總督張鵬翮疏稱武家墩起至小黃莊止一帶臨湖舊石工椿朽石款必另行拆砌方可堅固經久今於舊殘石工之

上疊柴壓土以為趙壩於內建砌石工共長五千五百二十六丈四尺共估銀六十八萬六千二百四十八兩八錢零除撥發錢糧等事案內撥過銀五十萬兩外尚有不足銀一十八萬六千二百四十八兩零應請撥給等因於康熙三十九年十月初九日奉

旨這修築高堰不足銀兩著照該督所請速行撥給乘此今冬水涸作速修築完工勿致遲誤該部知道

兵部尚書兼都察院右都御史總督河道提督軍務臣張鵬翮謹
奏為請

旨事臣奉

命督河到任後即前往江南適閱河工其緊要工程已不時

題報臣與部臣和衷集事勉勵屬員實心任事必期河工告
成早奏安瀾以仰副

皇上軫念國計民生至意今於四月初八日據原任知州劉可
聘等報稱攔黃壩已經盡拆口內水深二丈二尺是海口
已通其邵伯南壩馬家港決口俱已堵塞其餘應築應疏

事宜容臣廣集衆思估計明確次第入

告但河工潰敗之後修治之法必須帑金以辦工料如石與甃
棘蘆蘆葦椿木柴草須預發帑金於五六七八四箇月預
行備齊俟秋盡水落并力興工臣採集衆議請先發帑金
一百萬兩以備辦工料但物料必須船隻運送目今河海
清晏地方無事先借京口崇明沙船共一百隻運料尚不
敷用交與江蘇江西巡撫動正項錢糧遴委賢員照河工
式樣共造船四百隻發與河官運料其蘆葦柴草產於海
套官蕩由黃河逆流轉運甚屬艱難查有海口運料小河

一道見今淤塞臣已委趙世顯估計工料另疏

題請挑濬有裨河工抑臣更有請者清江浦係五方雜處之地見有河工效力旗員每遇旗民爭競地方官不敢查問且無巡緝盜賊專員稽查巡夜無人料理河庫見貯錢糧關係重大旗漢效力人員領帑回寓間有疎失止設有船政同知一員不管地方之事造船亦少甚屬安閒擬將船政同知裁去改設理事同知一員揀選滿州賢能官員補授以之審理旗民詞訟捕緝盜賊兼管船政仍屬總漕巡撫管轄與河工事務均有裨益以上各條係關河工事宜

理合先行

奏明恭候

皇上睿鑒施行為此具

奏因趙世顯王進楫委勘運料河挑挖人字河等工今筆帖
式馬泰公務進京特令齎捧具

奏請

旨康熙三十九年六月初四日筆帖式馬泰具奏本日奉
旨交與工部議奏

兵部尚書兼都察院右都御史總督河道提督軍務臣張鵬翔謹
題為撥發錢糧辦料備工事竊照江南黃運湖河頻年潰敗
已極在在皆須修理臣到任以來遍歷查閱凡有急應築
濬者如高郵護城堤桃窰人字芒稻等河以及開張福口
並柞欄黃壩等工當即一面興工一面具

題在案至於見在應修者如如幫桃清山安黃河兩所縷堤
武家墩小黃莊郭家嘴高寶高堰滾壩各石工如桃濬運
料河及新政中河等處工程不一而足或當即委員修理
或應及時辦料皆非帑銀莫濟前雖查盤裏外二河廳庫

貯銀共計有四十餘萬兩見修工程與各營兵餉需帑甚繁而勘估應修之工猶須辦料興修委不敷用前經具摺差筆帖式馬泰請發帑銀一百萬兩以為辦料償工之用但馬泰由水路船行未免稽遲相應再疏

題請仰懇

皇上俯念河工關係重大

勅部速議就近撥銀一百萬兩以濟急用庶要工不致貽誤矣
臣謹具

題請

旨康熙三十九年五月二十四日題六月初九日奉

旨工部速議具奏欽此又為請

旨事抄出到部該臣等會議得河道總督張鵬翮奏稱河工潰
敝之後修治之法必須帑金以辦工料如石與蘆葦蘆
葦椿木柴草須預發帑金於五七八四個月預行備齊
俟秋盡水落併力興工臣採集衆議請先發帑金一百萬
兩以備辦料但物料必須船隻運送先借京口崇明沙船
共一百隻運料尚不敷用交與江蘇江西巡撫動正項錢
糧遴委賢員照河工式樣共造船四百隻發與河官運料

等語又疏稱前經具摺差革帖式馬泰請發帑銀一百萬兩以為辦料償工之用但馬泰由水路船行未免稽遲相應再疏題請等因前來查該督既稱請帑一百萬兩於五六七八四個月預備料物俟秋盡水落并力興工等語應移咨戶部先就近撥給銀五十萬兩俟此銀用完如果不敷該督將用過之處聲明具題到日再將銀五十萬兩撥給又稱將京口崇明二營沙船借用一百隻等語查戰船三年一小修再歷五年大修總屬修理應如所奏准其借用又稱交與江蘇江西巡撫動正項錢糧造船四百隻運

料等語查河工頗設濬柳船共有六百三十二隻今又借沙船一百隻應用應將造船四百隻之處暫停即將此沙船濬柳船運料如仍不敷用將情由聲明具題到日再議又奏稱蘆葦柴草產於海套官蕩由黃河逆流轉運甚屬艱難有海口運料小河一道見今淤塞臣已委趙世顯估計工料另疏題請挑濬有裨河工等語查此處見今九卿會議題覆應毋庸議又奏稱清江浦係五方雜處之地見有河工效力旗員每遇旗民爭競地方官不敢查問且無巡緝盜賊專員河庫見貯錢糧關係重大擬將船政同知

裁去改設理事同知一員揀選滿州賢能官員補授以之
審理旗民詞訟捕緝盜賊兼管船政仍屬總漕巡撫管轄
等語應照該督所題將清江廠船政同知裁去改設理事
同知今其審理旗民詞訟捕緝盜賊仍兼管船政此補授
時將滿州內識漢文應陞官員保舉者論俸開列具題引
見俟

命下之日其應給關防俟該督撫擬定字樣具題到日移咨禮
部鑄給仍屬總漕巡撫管轄至所裁見任船政同知夏之
濬該撫給文赴部另補可也康熙三十九年六月十三日

題本月十六日奉

旨依議速行沙船見今差人前往察看俟到時將沙船借用之
處再議具奏

兵部尚書兼都察院右都御史總督河道提督軍務臣張鵬翮謹
題為欽奉

上諭事康熙三十九年六月二十五日臣看河回至高郵州河
干接

欽差戶部員外郎施克施和齋捧

上諭內開康熙三十九年六月十五日

上諭諭大學士伊桑阿馬奇見在清口淤墊著差人往總河張
鵬翮處明年漕船行走有無遲誤至其漕糧裝載沙船可否
從江下海入黃河海口由中河行走此外有無另見之處議

明具奏欽此臣跪捧敬讀之下仰見我

皇上軫念運道民生無時不惓惓

聖懷如

天地之覆載如日月之照臨無微弗徼臣欽遵

前旨已令河官將運口兩壩築畢僅留口門以放糧船指日糧
船過完將新挑張福口引河開放入運河裴家場引河將
湖內淤沙二百丈挑通之後亦可引清水入運再將六壩
閉塞逼清水滔滔出口此二處之水必然暢沛運道可以
通行況今歲河道極其潰敞糧船阻於邵伯以下不得前

進臣恭奉

聖訓指授方畧堵塞邵伯決口糧船即便通行尚不致有誤此時運河各決口盡行堵塞清水又已引出乘時將運河淤墊之處再加疏濬來歲糧船自是通行不致有誤至於改載沙船雇募水手人夫恐致糜費錢糧且由江入海從黃河海口進中河之處潮汐消長水勢不一風濤不測實屬難行臣愚一得之見未知是否伏乞

皇上睿鑒施行又吏部郎中葉舒題前事等因康熙三十九年

九月十三日面

奏奉

旨知道了摺子交與戶部欽此該臣等會議得郎中葉舒等奏稱臣等於七月十一日至鎮江齊集水手詢問水手云乘沙船可以走海但竹篷沉重使不得布篷使得隨即修布篷於本月十五日出江口入海各處俱有沙灘必於灘上方可停泊於八月初九日進黃河口十六日至清河縣臣等在江海黃河內行走之時看得若風順之際用堅固沙船少少裝載可以運糧但黃河內遇水泛漲之際並無緯路未免耽延時日等語查康熙三十九年六月十五日奉

上諭見在清口淤墊著差人往總河張鵬翮處明年漕船行走
有無遲誤其漕糧裝載沙船可否從江下海入黃河海口由
中河行走此外有無另見之處議明具奏欽此隨差員外郎
施克施和前往詢問據張鵬翮疏稱臣將運口兩壩築畢
僅留口門以放糧船指日糧船過完將新挑張福口引河
開放入運裴家場引河將湖內淤沙挑通亦通引清水入
運再將六壩閉塞逼清水滔滔出口運道可以通行況今
歲河道潰敞糧船阻於邵伯以下不得前進臣堵塞邵伯
決口糧船即便通行尚不致有誤此時運河各決口盡堵

清水亦引出乘時將運河淤墊處再加疏濬來歲糧船自是通行不致遲誤等語應將海運之處毋庸議又康熙三十九年九月二十五日奉

旨總督阿山將修理沙船之處具題前因運河難以行走欲由海內運糧曾差官查看沙唬船隻總河張鵬翮既稱將運河淤墊處再加疏濬來歲糧船不致有誤等語是漕糧不必海運總河張鵬翮又稱將沙船暫行取用此所查沙船俱給張鵬翮應用之處交與該部議欽此欽遵查先經總河張鵬翮疏稱借用京口崇明二營沙船一百隻又交與江寧江西

巡撫動正項錢糧造船四百隻運料等因工部以沙唬船
隻應如所題借用河工額設濬柳船共有六百三十二隻
將造船四百隻之處暫行停止等因題覆在案應將紀賽
等所查堪用船一百零五隻行令該督移送總河運料再
總督阿山交與知府等官所造船一百二十五隻亦令作
速修造完工送往總河應用可也康熙三十九年九月二
十九日繕寫摺子啟

奏本日奉

旨沙唬船水手應用什物見在俱有總河張鵬翮欲用若干著

儘其取用將此船隻行文江南總督鎮江將軍委賢能官員
押送應用勿致有誤餘依議欽此欽遵移咨到臣准此隨經
移咨兩江總督鎮海將軍押送應用去後嗣准江南江西
總督阿山咨稱准鎮海將軍咨稱先解沙唬船七十一隻
赴工應用合先咨明又准鎮海將軍馬三奇咨稱當將堪
用沙唬船七十一隻遵委右營遊擊朱振業管押查收外
其餘所修船隻不日告竣惟查京口地方為七省咽喉舟
車鎖鑰而浩淼長江內連湖廣江西外接重洋島嶼誠東
南之要會為江海之藩籬今若將沙唬船隻俱赴河工誠

慮汪洋之地汛守空虛查京口沙嘴船一百二十隻可否以九十隻解赴河工以三十隻存留防守庶無誤河工之用而汛守不致空虛操演不致廢弛等因又據蘇松總兵官梁爾啓呈內稱海疆設有沙船原為巡防戰守之要且崇明四面環海分兵輪守各沙遠隔老岬動數百里往返巡哨必藉船隻而奸徒出沒私販越渡稍有疎忽恭罰隨之汛防在所當嚴而沙船萬難偶缺者也查本標舊存新修共船六十隻內二十二隻見在修理未經驗領回營而出汛各沙及對渡裝運軍需時不可少者二十餘隻其餘

輪值更換本無空間今若盡數起解則封疆守禦無資隔
岍糧芻亦絕可否酌留一半以資守禦庶封疆不致貽誤
而河工亦有裨益矣各等因到臣准此該臣看得河工當
潰散之後各處大工興舉所辦工料非船莫濟是以臣於
上年五月內

奏借京口崇明沙船運料濟用荷蒙

俞旨准其取用欽遵移咨在案今准鎮海將軍臣馬三奇等咨
稱京口為七省咽喉若將沙唬船俱赴河工誠慮汎守空
虛而崇明四面環海各沙遠隔老岍動數百里若沙船盡

數解工則封疆守禦無資隔斷糧芻亦絕可否留船一半
以資守禦等因前來臣覆查海防河工均關緊要目今六
壩俱已全閉卽伯更樓時家馬頭等處缺口俱經堵完嵇
家閘久已合龍是兩河要工漸次就緒而京口崇明海疆
重地汛守不可空虛二處沙嘴船隻仍應各留本汛以資
防禦者也除臣移覆鎮海將軍馬三奇並照會蘇松總兵
官梁昂知照外相應

題明伏乞

皇上睿鑒施行等因康熙四十年正月二十七日題二月十五

日奉

旨該部知道欽此又為欽奉

上諭事工科抄出江南江西總督阿山題前事等因康熙四十年正月三十日題二月十九日奉

旨該部知道欽此欽遵於二月十六等日抄出到部該臣等議得河道總督張鵬翮疏稱大工興舉所辦工料非船莫濟是以臣於上年五月內奏借京口崇明沙船運料濟用荷蒙

俞旨准其取用今准鎮海將軍臣馬三奇等咨稱京口為七省

咽喉崇明四面環海若將沙唬船隻俱赴河工誠恐汎守
空虛可否留船一半以資守禦等因臣查目今六壩俱已
全閉卽伯更樓時家馬頭等處缺口俱已堵完嵇家閘又
已合龍是兩河要工漸次就緒而京口崇明海疆重地汎
守不可空虛二處沙唬船隻仍應各留本汎以資防禦等
因前來查江南江西總督阿山疏稱崇明船隻見今解過
三十八隻京口船隻已經起解一百零二隻等因河道總
督張鵬翮既稱兩河六壩及卽伯更樓等處要工漸次就
緒二處沙唬船隻仍應留本汎以資防禦等語應行江南

江西總督鎮海將軍等將京口崇明二處沙唬船隻已解
河工者領回未經解送者停其解送可也康熙四十年三
月初四日題本月初六日奉

旨依議

兵部尚書兼都察院右都御史總督河道提督軍務臣張鵬翔謹
題為敬陳治河條例仰祈

聖裁以固河防事恭惟我

皇上聖明在上軫念

國計民生不惜數百萬帑金修治河工至聖至仁古今罕觀
為臣子者能不仰體

聖意頻年以來勞費罔效上塵

聖懷臣恭承

聖訓編歷河工查勘見土堤皆用虛土堆成惟將頂坡微礮並

未如式夯築排椿多非整木蒼釘不深一遇浪擊遂至歇
斜塌卸其石工修砌不堅抹縫不密與原估丈尺不符挑
河不挑深通竟將積土堆積堤畔以本土即作河底微挖
坯土望水長大雨盈溢即報成河水涸露出本相又捏報
淤塞此種情弊悉由條例不嚴董率不力故爾分工人員
領帑到手任意花銷以致工無實效帑多虛糜今考之古
書叅之輿論謹酌條議數則一一為我

皇上陳之

一堤工之宜堅築也取土有遠近故價值有多寡取土

之遠者每土一方估銀二三錢不等取土之近者每
土一方亦估銀一錢四五分不等遠土或取於百丈
之外或取於里餘之外最近之土亦應離堤二十丈
及十五丈之外此定例也今見現築各堤即於堤根
取土且於近堤一帶先挖下一二尺并將周圍剷平
以作假堤希圖虛冒錢糧又舊例每堆土六寸謂之
一皮畚杵三遍以期其堅實行礮一遍以期其平整
虛土一尺畚礮成堤僅有六七寸不等層層畚礮故
堅固而經久雖雨淋衝刷而不致有水溝浪窩汕損

坍塌之虞今見各堤俱無夯杵止有石礮又自底至頂俱用虛土堆成惟恃頂皮陡坦微礮一過以飾外觀是以堤頂一經雨淋則水溝浪窩在在不堪堤底一經汕刷則坍塌損壞崩潰繼之故年來糜費錢糧迄無成效自今以後加幫之堤俱將原堤重用夯杵密打數遍極其堅實而後於上再加新土創築之堤先將平地夯深數寸而後於上加土建築層層如式夯杵行礮務期堅固照依估定遠近土方取土加幫不許近堤取土亦不許挖傷民間墳墓該道廳督率

該管員弁不時徃來巡查如有近堤取土飾作假堤
夯破不堅挖傷墳墓者即將義民人夫先行懲處仍
將承管官揭報以憑參究如不揭報經臣察出定將
該道廳一併糾參

一椿工之宜用整木也運河中河原因頂衝刷灣之處
水勢湍激恐其汕刷土堤是以估用整木簽釘排椿
估用整柴丁頭鑲壓以資捍禦今見兩河排椿俱係
一木二截浮簽淺土所鑲柴束俱係一柴二截粉飾
外觀反將舊堤老土挖鬆一遇雨淋水漲椿木欹斜

脹折柴草隨水漂淌承築人員既圖短少物料侵帑
以肥己該管廳員又冀呈報搶修膜視而不問河工
竟成涵厄公帑隨成逝波矣嗣後排樁工程購木到
工該道廳先赴工面驗是否與原估之尺寸相符勤
令承築人員椿用整木簽釘入地甚深埽用整柴鑲
壓極其堅固如敢仍前將木柴截用修築不堅旋修
旋壞該道廳不時指名揭報以憑叅拏追究如或瞻
徇情面通同容隱經臣臨工察出定即一并糾叅仍
將該汛員弁咨斥究治

一龍尾埽之宜停也臣遍查河工見工程之堅固者首
在石工次則塞釘馬牙椿足資捍禦其頂衝大溜之
處用丁頭埽密釘大木排椿深埋入土亦屬有益至
於平常工程概用龍尾埽稀釘排椿漫埋浮土一遇
風浪即行塌卸徒飾外觀虛糜帑金應行停止

一石工之修砌宜得法也湖河堤岸之砌石工者原因
長湖巨浪堤岸卑薄椿埽板工不足以資捍禦是以
估砌石工以為經久之計故各估冊內有馬牙梅花
等椿有面裏丁頭等石有鐵錠鐵鉤汁米灰柴等料

各匠夫役工食以及祭祀之類無一不備故小黃莊
石工每丈估銀八十四兩有零之多若照估辦料依
法修砌自能堅固永久安有旋砌旋倒之事臣遍閱
湖河修砌石工之處不惟石塊碎小不足尺寸而且
鑿鑿草率叅差不平雖有石灰而不見過篩搗拌堆
貯椿木率皆一木數截零星之甃不足原估尺寸三
甃不能收二甃之用鐵錠鐵錫則全未之見也釘椿
短小不足以繫數層巨石石塊碎小不足以符原估
丈尺石灰汁米短少何以合甃石而聯成一片鐵錠

鐵錫全無何以扣石縫而使之合苟再加以減少匠
工潦草修砌自必旋砌而旋壞安望其能經久乎與
其忝究於已壞之後何如嚴督於修砌之前嗣後一
切石工無論馬牙梅花等椿皆用整木深釘務期極
其堅深無論面裏丁頭等石皆照原估置辦鑿極
其平整石灰須重節節過多用米汁調和槁杵極其
膠黏滿貫而入使之無縫不到又用鐵錠鐵錫聯絡
上下合為一片凡有石工將興備料到工該道廳先
驗料物次勘工程如或料物不堪短少灰米以及修

砌草率有一於斯立即指名揭報以憑摘工叅究若
狗庇容隱經臣臨工察出定即一并糾叅并將該汎
員弁咨斥究懲

一埽工之宜覈實也埽箇工程大工堵決之外歲搶各
工用埽最多柴草蘆葦等料漕規久已覈定無容更
張而虛冒之弊全在工程以平報險用料以少報多
本年修理次年估銷埽箇新陳相因其中易於牽混
應營通同瞭澈員弁承其意旨以險工為奇貨視工
帑為故有虛開冒破隨成牢不可破之弊是以大工

在在興舉而歲搶錢糧有增無減業經諄諄告戒嗣後報險呈詳一到該道親行查勘果係險工即令動料搶修一面估計數目申報河臣以憑稽查如係假捏即以謊報

題叅處分如該道徇隱經臣親行查出將該道一併

題叅

一挑河之積弊宜除也挑濬工程無論大河引河舊例止挑河而不築堤者每土一方估用銀九分以挑河之土而復築成堤者每方估用銀一錢六分所估原

有贏餘若照估挑挖自然河深堤堅而無淤墊坍塌之患不謂分工人員領帑到手任意花銷河身微微挑挖不及原估十之三四堤用虛土堆成並不肯如式夯礮且將挑出之土堆於臨河堤上使堤岸高聳以作假河之尺寸甚至工未及半帑金告匱自知虧空難掩故將臨水之處有意挖開引水入於河身報稱淹漫及至水退涸出報稱淤墊是以年來挑濬甚多成河甚少侵帑誤工莫此為甚嗣後挑河工程挑出之土盡堆於原估堤上層層夯礮成堤使之高寬

以資捍禦不許估計散土以滋堆高假河之弊挖河人員務須照估挑挖寬深倘敢復蹈前轍花費錢糧潦草工程以及引水淹漫虛報淤墊者除挑過土方用過錢糧一概不准銷算外仍以侵冒誤工嚴叅拏問

一黃河淤墊之曲處宜取直也恭奉

上諭將黃河曲處挑挖使直水流暢快則泥沙不淤仰見我皇上洞悉治河良法臣查閱河工見頂衝大溜之處對峙必有沙嘴擬出此河曲之故也從此曲處挑挖引河以殺

水勢則對岬險工可平誠如

聖諭指示及其精當因詢河官何以不即遵行據稱挑挖引河
需費錢糧甚多挖後迎水大溜始能成河若逢緩水
必至沙淤例應追賠是以人心懼縮不敢挑挖臣思
河工虛應故事挑挖不如式者理應賠修若實心任
事挑挖深寬偶致淤墊者此非人力之罪應請

聖恩免其賠修庶幾人無畏縮我

皇上挑直之

上諭可以實見之奉行而河工有底績之期矣

一河工用人宜立勸懲之法也治河濬築之功首在得人而人才必須鼓舞方能奮發勉勵以圖報効臣請河工官員有實心任事不避勞怨不侵帑金修防堅固者即屬盡心為

國之賢才工成之日請優叙即用庶幾人皆知勸其行事詭詐怠玩推諉虛冒錢糧工程不堅固者即係不肖官員一經叅罰請嚴加治罪庶幾人心知畏將見勸懲立而賢者知勉不肖者知懼而河工之奏效不難也一夫役之宜優恤也河工興舉須用民力如挑河築堤

雇夫動至數千曝日之下風雨之時手操畚鍤不敢
自逸夜則露處沿堤搭席為棚以藏身雖有雇值帑
金止可糊口而此輩歡欣就工共矢子來之義皆感
我

皇上養養之恩也工成之日照所給印票該地方官查驗免其
雜項差徭以酬其勞則夫役益欣欣鼓舞而趨事恐
後矣

以上各條俱關治河要務伏候

皇上聖裁如蒙

先行敬請

天語申飭勒石河工俾得永遠遵守有裨河道良非淺鮮因係
條陳事宜字多逾格貼黃難盡伏乞

皇上睿鑒俯賜全覽施行等因康熙三十九年六月十七日題

本月三十日奉

旨覽奏條陳河工弊端詳悉切要極其周備著九卿詹事科道
會同速行確議具奏欽此欽遵於七月初一日抄出到部該
臣等會議得河道總督張鵬翮疏稱恭惟我

皇上聖明在上軫念

國計民生不惜數百萬帑金修治河工至聖至仁古今罕觀
為臣子者不能仰體

聖意頻年以來勞費罔效上歷

聖懷臣恭承

聖訓遍歷河工查勘見土堤皆用虛土堆成惟將頂坡微破並
未如式夯築排枋多非整木蒼釘不深一遇浪擊遂至欹
斜塌卸其石工修砌不堅抹縫不密與原估丈尺不符挑
河不挑挖深通竟將積土堆積堤岸以本土即作河底微
挖坯土望水長大雨盈溢即報成河水涸露出本相又挖

報淤塞此種情弊悉由條例不嚴董率不力故爾分工人員領帑到手任意花銷以致工無實效帑多虛糜今考之古書參之輿論謹酌條議數則一一為我

皇上陳之等因條奏前來查一堤工之宜堅築也築堤取土或於百丈之外或於里餘之外最近之土亦應離堤二十丈及十五丈之外此定例也今見現築各堤即於堤根取土且於近堤一帶先挖下一二尺并將周圍剝平以作假堤希圖虛冒錢糧又舊例每堆土六寸謂之一皮每杵三遍以期其堅實行破一遍以期其平整層層亦破故堅固而

經久今見各堤俱無夯杵止有石礮又自底至頂俱用虛土堆成惟將頂皮陡坦微礮一遍一經雨淋衝刷則坍塌損壞崩潰繼之自今以後加幫之堤將原堤重用夯杵密打數遍極其堅實而後於上再加新土創築之堤先將平地夯深數寸而後於上加土建築層層如式夯礮務期堅固不許近堤取土亦不許挖傷民間墳墓該道廳督率該管員弁不時往來巡查如有近堤取土飾作假堤夯礮不堅挖傷墳墓者即將義民人夫先行懲處仍將承築官揭報以憑查究如不揭報經臣察出將該道廳一并糾叅等

語一椿工之宜用整木也運河中河頂衝刷灣之處水勢湍激恐其汕刷土堤估用整木簽釘排椿估用整柴丁頭鑲歷以資捍禦今見兩河排椿俱係一木二截浮簽淺土所鑲柴束俱係一柴二截一遇兩淋水漲椿木歛斜腹折柴草隨水漂淌嗣後排椿工程購木到工該道廳先赴工園驗是否與原估之尺寸相符勒令承修人員椿用整木簽釘入地甚深掃用整柴鑲歷極其堅固如敢仍前將木柴截用修築不堅旋修旋壞該道廳不時指名揭報以憑叅掣追究如或瞻徇情面通同容隱經臣臨工察出一并

糾奏仍將該汎員并咨斥究治等語一龍尾埽之宜停也
臣遍查河工見頂衝大溜之處用丁頭埽密釘大木排椿
深埋入土亦屬有益至平常工程概用龍尾埽稀疏釘排椿
淺埋浮土一遇風浪即行塌卸虛糜帑金應行停止等語
一石工之修砌宜得法也湖河石工各估冊內有馬牙梅
花等椿有面裏丁頭等石有鐵錠鐵鉤汁米灰柴等料各
匠夫役工食以及祭祀之類無一不備若照估辦料依法
修砌自能堅固永久安有旋砌旋倒之事臣遍閱湖河修
砌石工之處不惟石塊碎小不足尺寸而且鑿鑿草率叅

差不平雖有石灰而不見過篩搗杵堆貯椿木率皆一木
數截零星之數不足原估尺寸三觀不能抵二觀之用鐵
錠鐵鉤則全未之見也嗣後一切石工無論馬牙梅花等
椿皆用整木深釘務期極其堅深無論面裏丁頭等石皆
照原估置辦鑿鑿極其平整石灰須重篩篩過多用水汁
調和搗杵極其黏滿貫而入使之無縫不到又用鐵錠
鐵鉤連絡上下合為一片凡有石工將興構料到工該道
廳先驗料物次勘工程如或料物不堪短少灰米以及修
砌草率有一於斯立即指名揭報以憑摘工恭究若拘庇

容隱經臣臨工察出一并叅究并將該汛員并咨斥究懲
等語一埽工之宜覈實也歲搶各工虛冒之弊全在工程
以平報險用料以少報多本年修理次年估銷埽箇新陳
相因其中易於牽混虛開冒破是以歲搶錢糧有增無減
嗣後報險呈詳一到該道親行查勘果係險工即令動料
搶修一面估計申報河臣以憑稽查如係假捏即以誑報
題叅如該道徇隱經臣親行查出將該道一并題叅等語
一挑河之積弊宜除也挑河無論大河引河舊例止挑河
而不築堤者每土一方估用銀九分以挑河之土而復築

成堤者每方估用銀一錢六分所估原有贏餘若照估挑
挖自然河深堤堅而無淤墊坍塌之患不謂分工人員領
帑到手任意花銷河身微微挑挖不及原估十之三四堤
用虛土堆成不肯如式夯碾且將挑出之土堆於臨河堤
上使堤岸高聳以作假河之尺寸甚至工未及半帑金告
匱自知虧空難掩故將臨水之處有意挖開引水入於河
身報稱淹漫及至水退涸出報稱淤墊侵帑誤工莫此為
甚嗣後挑河之土盡堆於原估堤上層層夯碾成堤不許
估計散土以滋堆高假河之弊挑河人員務須照原估挑

寬深倘復蹈前轍花費錢糧潦草工程以及引水淹漫
虛報淤墊者除挑過土方用過錢糧一概不准銷算外仍
以侵冒誤工嚴叅拏問等語查以上六款係奏除河工積
弊堅固堤岸等事要務均應如該督所題一黃河淤墊之
曲處宜取直也恭奉

上諭將黃河曲處挑挖使直水流暢快則泥沙不淤仰見我
皇上洞鑒治河良法因詢河官何以不即遵行據稱挑挖引河
需費錢糧甚多挖後迎水大溜始能成河若逢緩水又致
淤淤例應追賠是以人心懼縮不敢挑挖臣思河工虛應

故事挑挖不如式者理應賠修若實心任事挑挖深寬偶
致淤墊者此非人力之罪應請免其賠修等語查工部並
無黃河曲處挑挖直淤墊賠修之例止有欽奉

上諭事案內九卿會議董安國所挑未完引河准其動帑挑築
河工告成將用過錢糧准銷如河不成不准開銷等因在
案今該督既稱挑挖黃河曲處若實心任事挑挖深寬偶
至淤墊者此非人力之罪應免其賠修等語嗣後凡黃河
曲處挑挖引河如果實心任事挑挖深寬偶至淤墊者該
督親勘保題到日准免其賠修一河工用人宜立勸懲之

法也治河濬築之功首在得人而人才必須鼓舞方能奮發勉勵以圖報効臣請河工官員有實心任事不避勞怨不侵帑金修防堅固者工成之日請優叙即用行事說詐怠玩推諉虛冒錢糧工程不堅固者一經叅罰請嚴加治罪等語嗣後河工官員有實心任事不侵帑金修防堅固者該督開明實績保題到日見任者以應陞之缺即用候補者以應補之缺即用其怠玩推諉虛冒錢糧工程不堅固者該督題叅到日革職拿問追究一夫役之宜優恤也河工興舉須用民力如挑河築堤雇夫動至數千曝日之

下風雨之時手操畚鍤不敢自逸雖有雇值帑金止可餬口工成之日照所給印票該地方官查驗免其雜項差徭以酬其勞等語應如該督所奏河工夫役工成之日照所給印票該地方官查驗免其雜項差徭可也康熙三十九年七月初三日題本月初四日奉

旨依議速行

兵部尚書兼都察院右都御史總督河道提督軍務臣張鵬翮謹
題為欽奉

上諭事案查康熙三十九年正月初七日准工部咨開都水清
吏司案呈奉本部送工科抄出該本部等衙門會覆侍郎
常綬等奏前事等因康熙三十八年十二月十七日奏本
月十八日奉

旨若將高堰減壩堵閉建造滾水壩土堤加幫高厚則湖水必
高黃水又大湖水不出之時高堰堤工危險而泗州等處必
至水淹著大學士九卿詹事掌印不掌印科道會同確議具

奏欽此欽遵該臣等會議得侍郎常綬等疏稱武家墩村北
元帝廟稍遠之處應行開口又將高堰加築高厚減壩盡
行堵塞臨湖汕刷之處亦應修補不許堤根取土應添挑
引河二道等語查武家墩開口改移清口甚好但見今物
料未備恐明年雨水之前不能完工漕運甚屬緊要雖改
移清口其高堰亦必須加幫相應將高堰照侍郎常綬等
所奏速行加幫高厚不致遲誤明年漕運所需約估銀一
百二十八萬五千四百四十九兩零令戶部就近撥給再
先前各工撥給銀一百八十萬餘兩分給各官至今工程

尚未完竣此加幫高堰挑挖引河等工若又交與伊等必致遲誤修此工程應差部院堂官一員督催并簡賢能堂司官員分給段落令其節省錢糧堅固作速修造至邵伯更樓高郵九里等處決口至今尚未堵塞完工此亦關係運道亦應差部院堂官一員督催作速完工應差堂官并分段修工堂司官員恭請

欽點康熙三十八年十二月二十日題本月二十二日奉

旨依議這督催工程著范承勳王鴻緒王振田雲布雅努喻成龍顏蔭壽鵬王紳高裔去分修工程著董訥王樸朱弘祚江

有良王起元宮夢仁線一信陳汝器王日藻衛既齊李應鷹
馬世濟高承爵金鉉楊雍建去欽此欽遵抄出到部移咨在
案又於康熙三十九年四月初一日准工部咨同前事內
開都水清吏司案呈奉本部送工科抄出該本部等衙門
會覆兵部尚書范承勳等奏前事等因康熙三十九年三
月十一日奏本月十七日奉

旨著九卿詹事科道會議具奏欽此欽遵該臣等會議得先經
兵部尚書范承勳等奏稱自武家墩起至小黃莊止可以
稍緩其小黃莊起至周家橋止急宜先築又周家橋至棠

梨樹止堤內尚有未堵減壩三處仍聽河臣催堵完工惟是原估柴草分頭採買一時難集臣等酌量惟衝決及水深之處仍用丁埽其堤內加幫土方除頂寬加高二項悉照原估丈尺惟底寬概幫十丈太坡無益酌量裁減其未挑引河一道俟河臣于成龍到浦商酌舉行等因經臣等會議以均應如所奏奉

旨這挑挖運料小河將何處水引入水又從何而出並未聲明這事情并武家墩等處堤工事情俱行文范承勳會同總河于成龍等詳細速議具奏欽此行文去後今據尚書范承勳

等會同署理河道總督印務府尹徐廷璽奏稱高堰堤工武家墩等處應幫頂寬高丈尺照原估外惟是底寬十丈未免太坡今會議得每堤高一丈坡出二丈工力可免虛費其臨河一面原估概用丁埽臣等公同勛議水深之處仍用格埽其餘出水之堤概用柴草丁鑲用土堅築與用丁埽無異其小黃莊至周橋先閘興築武家墩至小黃莊見在丈分即日興築周橋至棠梨樹內有三壩未堵無如清口黃流倒灌見在打壩禦黃若將壩遽行全堵淮水無處宣洩而壩口之堤單薄必難捍禦臣等會議先堵茆家

園南壩唐埂北壩暫留夏家橋一壩再於棠梨樹以西暫築裏頭草壩以備伏秋漫溢俟水消應閉之期堵塞幫築六壩一帶地方最為危險修防刻不可緩前撥河廳常維禎等修築今著伊等上緊修築務期堤岸無虞其再挑引河一道目今黃流增漲舊引河俱經灌淤若再加挑濬勢必仍復淤塞徒費工力應俟堵塞夏家橋壩之先清水河出之時兼工挑挖方為有益等因前來應均如尚書范承勳等所奏可也康熙三十九年三月二十日題本月二十四日奉

旨依議欽此欽遵抄出到部移咨在案又於康熙三十九年四月二十五日准工部咨同前事內開都水清吏司案呈奉本部送工科抄出該本部等衙門會覆兵部尚書范承勳等奏前事等因康熙三十九年三月二十九日奏四月初八日奉

旨凡卿詹事科道會議具奏欽此欽遵該臣等會議得先經臣等會議以時至桃汛其未堵高堰減水壩暫行停堵將高堰可修之處乘時速行修築完工如桃汛水發有修築不及之處停其修築將物料備辦秋汛水落即行修築完工

如別有善策將黃淮兩河并高堰堤工作速修治裨益運
道民生之處所去大臣河道官員公同詳議速行具奏等
因具題奉

旨這本內事情著行文前往河工尚書范承勳等會同河道總
督這所議可否伊等意見又復如何之處速議具奏將董安
國所批引河再行挑濬堵閉黃水倒灌清口之口或將清江
閘堵閉及查看修理更樓決口等工著侍郎常綬等前往看
閱具奏欽此行文去後今據尚書范承勳等奏稱先經臣等
猶望六壩水勢稍可搶護即竭力上前加工不料三月十

四十五兩日西風大暴更兼湖水日長節家園唐埂一帶
堤面在在過水將已堵三壩復行沖開而漫缺之口更增
數處今水勢日長且無寸堤足恃奈時候水勢兩處其難
無從下手六壩全開萬難於伏秋之前盡行堵塞高堰小
黃莊至周橋修築已將告竣其周橋至棠梨樹一帶見今
漫水無土可取應俟河臣堵壩之後臣等會同河臣作速
幫築其武家墩至小黃莊工程亦應俟堵壩後同時幫築
目下備辦料物為險工之用仍令原委河員協同承辦毋
得阻誤其六壩一帶地方土埂出水之處及浪窩殘缺之

處照例動搶修錢糧責令河員修築仍備完石工所撥高
堰帑金除小黃莊工程及備辦物料所餘甚多應貯河庫
俟堵壩後為幫築大工之用等因前來查尚書苑承勲等
既稱小黃莊至周橋修築已將告竣其周橋至棠梨樹一
帶并武家墩至小黃莊見今漫水無土可取應自河臣堵
壩之後幫築等語均應如所奏將料物備辦俟堵壩後速
行幫築其六壩一帶地方有土埂出水及浪窩殘缺之處
應行總河責令河員作速照例修理未完石工嚴飭承修
人員速行償完至高堰餘剩錢糧應貯河庫毋得那移

別用仍為幫築大工之用可也康熙三十九年四月十二日題本月十四日奉

旨依議欽此欽遵抄出到部移咨到臣准此當經行令淮徐淮揚二道轉行遵照并查明從前何以不堵壩情由去後今據淮徐道副使施世綸護理淮揚道印務揚州府同知馬驤查明詳報到臣據此該臣看得堵塞六壩逼清水出口會黃入海此目今緊要工程先經河臣于成龍等會同侍郎臣常綬疏稱高堰加築高厚減壩盡行堵塞估銀一百二十八萬五千餘兩九卿會覆奉

旨差部臣范承勳等督催續經部臣范承勳等疏稱臣等會議
先堵茆家園南壩唐埂北壩俟水消應閉之期堵塞幫築
等因續又經部臣范承勳等疏稱六壩全開萬難於伏秋
之前盡行堵塞應俟河臣堵壩之後幫築等因九卿會覆
俱奉

旨依議欽遵在案臣履任後接到堵壩部文轉行淮徐道施世
綸護理淮揚道印務揚州府同知馮驥遵行去後今據詳
稱裏河同知常維禎堵閉唐埂南壩用銀四千二百三十
九兩零山旰通判孫調鼎堵閉茆家園北壩用銀二千一

百九十二兩零又堵閉唐埂中壩用銀一千一百四十六兩零俱被本年三月十四五等日湖水大漲冲開又唐埂北壩上年前河臣于成龍等

題報冲開部議賠修應同三月內冲開三壩一并責令常維禎等照例賠修堵塞其夏家橋原未堵塞郭家園南壩未合中泓十二丈六尺二共估工料銀一萬四百二十五兩五分零乘時備料興築等因前來臣覆查無異隨照數發河庫大工錢糧交承修官工部員外郎王登魁原任知縣甯維邦候選經歷謝達元等作速辦料俟水落堵閉委原

任按察使趙世顯監工督催再照加幫六壩堤工前河臣
于成龍等發銀二萬餘兩交孫調鼎等加幫不完經侍郎
臣常綬以遲誤

題叅議處在案此輩錢糧花費若俟追出加幫緩不濟事因
係緊要工程先動正項錢糧委裏河同知常維禎等作速
加幫用過錢糧於原承修官名下追賠還項可也理合一
并

題明伏乞

皇上睿鑒勅部議覆施行等因康熙三十九年六月十九日題

七月初三日奉

旨該部速議具奏欽此欽遵於七月初四日抄出到部該臣等
議得河道總督張鵬翮疏稱裏河同知常維禎堵塞唐埂
南壩山旴通判孫調為堵塞茆家園北壩又堵塞唐埂中
壩三月十四五等日湖水大漲沖開又唐埂北壩上年前
河臣題報沖開部議賠修應同三壩一并責令常維禎等
照例賠修其夏家橋原未堵塞茆家園南壩未合中泓十
二丈六尺共估銀一萬四百二十五兩五分零照數發河
庫大工錢糧交承修工部員外王登魁等作速辦料俟水

落堵閉再六壩堤工前河臣于成龍等發銀二萬餘兩交
孫調鼎等加幫不完經侍郎常綬以遲誤題叅議處在案
此革錢糧花費若俟追出加幫緩不濟事因係緊要工程
先動正項錢糧委裏河同知常維禎等作速加幫用過錢
糧於原承修名下追賠還項等因前來應行該督嚴飭常
維禎等將唐堤等四壩速行賠修完固其夏家橋并茆家
園南壩令承修官速行辦料堵塞以便幫築至六壩堤工
該督既稱前河臣于成龍等發銀二萬餘兩交孫調鼎等
加堤不完此革錢糧花費若俟追出加幫緩不濟事先動

正項錢糧加幫用過錢糧於原修官名下追賠還項等語
應行該督責令承修之員速行加幫工完之日將用過錢
糧造冊題銷一面於應賠官員名下照例於半年內追取
還項可也康熙三十九年七月初七日題本月初八日奉
旨依議速行欽此欽遵移咨到臣准此隨行該道轉行遵照堵
築完日報銷去後今據淮徐道副使施世綸准揚道叅議
王謙造冊詳銷等因到臣據此該臣看得常維禎堵塞唐
埂南壩孫調為堵塞茆家園北壩唐埂中壩唐埂北壩照
例責令賠修其夏家橋原未堵塞及茆家園南壩未合中

泓應動帑堵築原估銀一萬四百二十五兩五分零動河
庫大工錢糧交工部員外郎王登魁等作速辦料堵塞又
孫調鼎等加幫未完堤工先動帑銀委常維禎等加幫完
固造冊報銷於應賠官員名下照例於半年內追取還項
等因奉

旨依議在案今據淮徐道副使施世綸淮揚道恭議王謙詳稱
六壩加幫堤工發帑委令常維禎劉光業等加幫完竣見
在查覈造冊另詳

題銷照追還項外查孫調鼎賠堵莊家園北壩唐埂中壩唐

埂北壩常維禎賠堵唐埂南壩俱經賠修完工無庸造冊
其工部員外郎王登魁等領帑堵塞夏家橋原估銀八千
二百二十六兩五錢七釐三毫先因宿州衛糧船歸次

題留口門三十丈續因各分修鑲柴工未完又經

題留修柴工完日堵閉以致冲刷日深多費料物溢於原估

已經捐賠不致另請錢糧實無節省節家園南壩中泓原
估銀二千一百九十八兩五錢四分四釐節省銀二百一
十九兩八錢五分四釐四毫實銷銀一千九百七十八兩
六錢八分九釐六毫確數無浮等因前來臣覆覈無異除

原冊送部查覈外相應具

題伏乞

皇上勅部覈銷施行等因康熙四十年七月十九日題八月十

九日奉

旨著察覈該部知道欽此欽遵於八月二十日抄出到部該臣等議得先經河道總督張鵬翮疏稱唐埂南壩莊家園北壩唐埂中壩唐埂北壩冲開應照例責令常維禎等賠修其夏家橋原未堵塞莊家園南壩禾合中泓應發河庫大工錢糧堵閉又六壩堤工前河臣于成龍發銀二萬餘萬

交孫調為等加幫不完此輩錢糧花費若俟追出加幫緩
不濟事應先動錢糧加幫用過銀兩於原修官名下追賠
還項等因經臣部覆准在案今據該督疏稱六壩加幫堤
工發帑委令常維禎等加修完竣見在查數造冊另行題
銷仍照追還項等語應令該督速行查數造冊題銷其用
過銀兩一面於孫調為等名下照例勒限追完還項又疏
稱孫調為賠堵菲家園北壩唐埂中壩唐埂北壩常維禎
賠堵唐埂南壩俱經賠修完工等語查此四壩既經賠修
完工應無庸議又疏稱堵塞夏家橋原估銀八千二百二

十六兩五錢零題留口門以致冲刷日深多費料物溢於
原估已經捐賠實無節省其葬家園南壩中泓原估銀二
千一百九十八兩五錢零節省銀二百一十九兩八錢零
共實銷銀一萬二百五兩二錢零等語應將用過銀一萬
二百五兩二錢零准其開銷節省銀二百一十九兩八錢
零貯庫為河工之用可也康熙四十年九月十一日題本
月十九日奉

旨依議

兵部尚書兼都察院右都御史總督河道提督軍務臣張鵬翔謹
題為欽奉

上諭事康熙三十八年十一月初九日准工部咨開都水清吏
司案呈奉本部送工科抄出該本部等衙門會覆河道總
督于成龍等題前事等因又為題明酌改滾壩加砌高堰
石工以保運道民生事工科抄出河道總督于成龍等題
前事等因康熙三十八年九月初八日題本月二十九日
奉

旨九卿詹事科道會議具奏欽此又為酌改高郵滾壩以利運

道以衛民生事工科抄出河道總督于成龍等題前事等
因康熙三十八年九月初八日題本月二十九日奉

旨九卿詹事科道會議具奏欽此又為敬讀

上諭周詳喜慶安瀾有日敬陳管見仰請

採擇事工科抄出河道總督于成龍等題前事等因康熙三十
八年十月初三日題本月十八日奉

旨九卿詹事科道一并會議具奏該部知道欽此欽遵於十月
十九日抄出到部該臣等會議得河道總督于成龍等疏
稱臣等率同道廳歷清河縣石人溝以上沿河踏勘逐段

發探通處盡係淤泥深有七八丈餘不等人夫無立足之地難以施工臣等再四思維竊以黃河大溜勢若排山若遠移改挑工大費繁且清口對過北岸一帶積水淤沙畚鍤難施臣等未奉

俞旨之先已經督催降調同知常維禎見挑裴家場爛泥淺等引河不日可竣又委堵開唐埂等處減壩應俟各壩堵塞之後使湖水不能東洩引出敵黃以免淤墊之患再將董安國所挑引河復加挑挖挑水壩再為接築黃水由引河而趨北岸可無倒灌之虞至於遠移改黃之處統俟湖水

出後酌定形勢另行奏請遵行董安國已經病故未完引
河挑水壩二工應否動帑挑築理合一并具題等因前來
相應均如該督等所題董安國未完引河挑水壩應准其
動帑挑築俟河工告成之日將用過錢糧准銷如仍不完
工河不成就錢糧不准開銷至高堰修砌舊石工茆家園
等減壩改建滾水壩之處需用錢糧應令估計具題又高
堰新建石工動帑五十四萬餘兩經今五載尚未完工應
令作速完竣至古溝一帶地方三十六年會勘案內題請
加幫土堤在案今請修砌石工之處毋庸議至茆家園等

減水六壩三十六年具題添設礮心建置開板給銀十一萬二千餘兩今俱未興工此項銀兩於何處應用之處並未聲明應令該督等查明具題其給事中張審條奏疏內稱中河水從仲莊間出口建瓴之勢逼溜使南是以直射湖口不獨清水難出而黃水反為易入等語誠為有理相應行令總河于成龍等將清河縣以下所有陶莊開開放挑濬出水或將董安園所挑引河以下的酌量挑挖建閘之處親身詳看速行具題可也康熙三十八年十月二十日

題本月二十三日奉

旨依議欽此欽遵抄出到部擬合就行為此合咨前去查照本部等衙門會覆奉

旨內事理欽遵施行等因到前河臣轉行該道欽遵在案臣到任後屢催未據詳覆臣曾經題叅在案該臣看得科臣張睿條奏疏稱中河水從仲莊開出口建瓴之勢逼溜使南等語部議將清河縣以下所有陶庄開開放挑濬出水或將董安國所挑引河以下酌量挑挖建開之處親身詳看具題等因臣率淮揚道王謙等及衆河官詳看得若將中河改由陶莊開而行至董安國所挑引河尾入黃河但清

河縣地處窪下面臨黃河背坐清水二水並漲恐有漂沒之虞勢必遷移縣治又多繁費且引河尾地亦窪下恐黃水倒灌雖建閘可禦若糧艘進口行下水數里水溜風猛難以進口且陶莊閘外黃河北岸皆係坡灘糧船到此難以停泊不若仍舊入運口沿堤溯流而上至陳家莊渡河直進仲莊閘草壩從無阻滯應毋庸更改者也理合具

題其高堰修砌舊石工節家園等壩改建滾水壩等項俟嚴催該道查覆到日容臣察覈另疏具

題合併聲明伏乞

皇上睿鑒勅部議覆施行等因康熙三十九年七月二十一日

題八月十四日奉

旨該部知道欽此欽遵於八月十五日抄出到部該臣等議得
河道總督張鵬翮疏稱科臣張睿條奏中河水從仲莊開
出口建瓴之勢逼溜使南等因部議行令將清河縣以下
所有陶莊開開放挑濬出水或將董安國所挑引河以下
酌量挑挖建開之處親身詳勘具題臣率淮揚道王謙等
詳看若將中河改由陶莊開而行至董安國所挑引河尾
入黃河清河縣地處窪下面臨黃河背坐清水二水並漲

恐有漂沒之虞勢必遷移縣治又多繁費且糧艘進口行下水數里水溜風猛難以進口不若仍舊入運口沿堤溯流而上至陳家莊渡河直進仲莊閘草壩從無阻滯無容更改其高堰修砌舊石工茆家園等壩改建滾水壩等項俟該道查覆到日另疏具題等因前來查該督既稱若將中河改由陶莊閘而行至董安園所挑引河尾入黃河勢必遷移縣治又多繁費且糧艘難以進口不若仍舊至陳家莊渡河直進仲莊閘草壩從無阻滯無容更改等語應如所題至高堰修砌舊石工茆家園等壩改建滾水壩先

經原任總河于成龍等具題經九卿議覆令將需用錢糧
估計具題在案今該督既稱另疏具題等語應俟具題到
日再議可也康熙三十九年八月二十六日題本月二十
九日奉

旨依議

兵部尚書兼都察院右都御史總督河道提督軍務臣張鵬副謹
題為欽奉

上諭事康熙三十八年九月十一日准工部咨開都水清吏司
案呈奉本部送工科抄出該本部覆河道總督于成龍等
題前事等因康熙三十八年閏七月十一日題八月初三
日奉

旨該部議奏欽此欽遵於八月初四日抄出到部該臣等議得
河道總督于成龍等疏稱羅溝河即名盧口發源於東省
雲蒙諸山各澗匯流而來沂河由沂郛而入邳境水從盧

口分流出徐塘口而入運河其正河至隅頭集徑入駱馬湖凡遇水發涵漫兩岸淹沒田廬沂河兩岸應築堤長二萬八千一百八十丈廬口寬八十丈應建閘座以資啟閉則邳州兩岸之民可免沂河漲漫之患而此水之由廬口分流者仍入運河以濟運誠為兩利無害等因前來查該督等雖稱沂河兩岸應行築堤廬口應見閘座等語該督等但據該州詳請具題未經親往詳勘不便遽議應行令該督等親身前往將果否應行建閘築堤之處確勘具題到日再議可也康熙三十八年八月十八日題本月二十

二日奉

旨依議欽此欽遵抄出到部擬合就行為此合咨前去查照本部題覆奉

旨內事理欽遵施行等因到前河臣于成龍等欽遵在案臣到任後檢查舊案時因准徐道施世綸在高堰大工隨同部臣管理錢糧不能兼顧當即委令工部員外郎王登魁會同署邵睢河務同知金玉衡宿虹河務同知鄧之琮邵州知州佟國銘宿遷縣知縣胡三俊先行查看去後嗣據員外郎王登魁等詳稱遵即詣工會同邵睢宿虹二同知齊

集邳州知州宿遷縣知縣遂加查詢細為勘商沂河水勢原有七分入盧口由官湖出徐塘口等處流入中河南下濟運有三分由沂河流入壩頭集歸宿邑駱馬湖從西寧橋引河經桃源沐陽安東入海此向年兩分之水勢也近來如遇水發宿邑民田尚且受災若將盧口一帶建閘攔截恐水多由宿境歸於駱馬湖未免湖水泛溢關係宿遷桃源安東沐陽之田舍不無顧此失彼之慮相應備叙原委具覆合候本部院裁酌親詣查看施行等因到臣據此臣隨於七月初八日自清江浦起行初十日至揚兒窩率

同宿虹同知鄧之琮邳州知州佟國銘等至盧口查看沂水至此分為二派一由正河東流入駱馬湖一直趨盧口東南流出徐塘口入運河盧口面寬八十餘丈水勢急溜河底積沙詢據邳州居民戴題名等供稱自順治十六年沖開此口水大之年被其淹沒須築堤閉塞方免水患聞據盧口東岸宿遷縣居民戴天祥等供稱若堵塞盧口則沂河東岸全被淹沒等語此二處之民各執偏見以利於此者又不利於彼也該臣看得邳州民劉三靈等將盧口受患情形叩

閘一案先經前河臣于成龍等疏稱沂河兩岸築堤盧口建閘
可免漲漫之患部議令河臣親身前往確看具

題等因奉

旨依議欽遵在案今臣到任後委官踏看據稱若將盧口一帶
建閘築壩恐水多歸路馬湖未免湖水泛溢關係宿桃安
沐之田舍似有顧此失彼之慮等語臣復率廳州等官親
往盧口查看沂河水勢直趨盧口面寬溜急且係沙底不
便建閘應於盧口河兩旁堤岸殘缺之處修補一律束水
流入徐塘口運河既可濟運又使民生得所矣理合恭疏

具

題伏乞

皇上勅部議覆施行等因康熙三十九年七月二十一日題八月十四日奉

旨該部知道欽此欽遵於八月十五日抄出到部該臣等議得河道總督張鵬翮疏稱臣率臬臬州等官親往沂河查看沂河水勢直趨盧口面寬溜急且係沙底不便建閘應於盧口兩旁堤岸殘缺之處修補一律束水入徐塘口運河既可濟運又使民生得所等因前來查先經原任總河于

成龍等將沂河兩岸築堤盧口建閘則邳州兩岸之民可
免沂河漲漫之患等因具題臣部以該督等但據該州詳
請具題未經親往詳勘覆令親往確勘具題在案今該督
既稱盧口不便建閘應於盧口兩旁堤岸殘缺之處修補
束水入徐塘口運河既可濟運民生得所等語應如該督
所題盧口停具建閘將盧口河兩旁堤岸殘缺之處令該
地方官速行修補可也康熙三十九年八月二十六日題
本月二十九日奉

旨依議